


廬山紀事



漢書門			
二	三	五	七
九	一	七	號
一	〇	架	函
冊			類

內閣文庫			
二	三	五	七
九	一	七	號
〇			架
冊			函
			類

內閣文庫			
番號	漢	2357	
冊數	10	(5)	
函號	202	47	

五



廬山

廬山紀事卷之五

廣陵桑喬

廬山書香

山南自七尖山東北行至合鄱口

棲賢谷

山東北有大谷是為棲賢谷

淺草文庫

山疏棲賢谷值合鄱口南三峽澗出焉廬山之谷以

三數棲賢谷為大又多奇勝人尤樂遊之云

合鄱口

棲賢谷其最北山巔為合鄱口

山疏合鄱口在合鄱嶺東南乃天池之南道口向鄱

廬山書香

湖而峻勢若可吞鄱湖故云

水經注嶺南有大道順山而下有若畫焉傳云匡先

生所開通江道巖上有宮殿故基三以次而上最上

極於山峯

山疏舍鄱口南曰岩口其下曰能邪有石曰大石斗

笠石

岩口東南有白龍潭水自山巔下注潭中俗謂之白

水漕

白石菴

舍鄱口西有寶陀羅漢二其水曰野人源有僧舍曰

佛院

山疏楞伽有上下二院在能邪西今廢張孝祥有

院內有白石菴

山疏白石菴者宋李常公擇讀書處也公擇都昌人

少與兄弟讀書菴中已而皆及第公擇以文學政事

名當時蘇東坡嘗與之倡和黃山谷者其甥也元祐

更化以常為三司使或言常少幹畧司馬光曰使天

下知吾意不急於利

公擇在朝時以詩寄菴僧端老云煩師為掃山中石

待請歸時欲醉眠然竟不克歸菴亦旋廢其後西蜀

人李復亦嘗居之而易其名曰白雲菴復死亦廢其
後勝國時豫章有熊處士者亦卽其趾築室居焉憲
幕官范祥寄詩云尚書舊隱在匡廬傳道新來事已
墟祠宇又令誰薦菊鬼神猶爲護藏書石泉宛宛通
池細川樹冥冥映日疎爲問豫章熊處士幽栖消息
近何如後亦廢

公擇旣費乃藏書九千卷於菴中以俟觀者蘇東坡
李氏山房藏書記象犀珠玉珍怪之物有悅於人之
耳目而不適於用桑麻布帛五穀之材有適於用而
用之則弊取之則竭悅人之耳目而適於用用之

不弊取之而不竭賢不肖之所得各隨其本仁智之
所見各當其分本分不同而求無不獲者惟書乎孔
子聖人其學必始於觀書當是時惟周之柱下史聃
爲多書韓宣子適魯然後見易象與魯春秋季札聘
於上國然後得聞詩之雅頌而楚獨有左史倚相能
讀三墳五典八索九丘士之生於是時得見六經者
蓋無幾其學可謂難矣而昔習於禮樂湮於道德非
後世君子所及自秦漢以來作者益衆紙與字畫日
趨於簡便而書益多世莫不然學者益以苟簡何哉
余猶及見老儒先生自言其少時欲求史記漢書而

不可得幸而得之皆手自書寫日夜讀誦若不及近
歲士人摹刻諸子百家之書日傳萬紙學者於書多
且易致如此其文辭術業當倍蓰於咎人而後生科
舉之士皆束書不觀遊談無根此何也余友李公擇
少時讀書於廬山五老峯下白石菴之精舍公擇既
去山中之人思之指其所居為李氏山房藏書九千
餘卷公擇既涉其流探其源剝其華實而咀嚼其膏
腴以為已有發於文章見於行事以聞名於當世矣
而書固自如也未嘗少損將以遺來者供其無窮之
求而各足其人本分之所當得是以不藏於家而藏
於其故居之僧舍此仁者之用心也余既衰且病無
所用於世惟得數年之間以盡讀其所未見之書而
廬山固所願遊而不可得蓋將老焉盡發公擇之藏
而拾其餘棄以自補庶有益乎而公擇求余文以為
記乃為之言使來者知咎之君子見書之難而今之
學者有書而不讀為可惜也熙寧九年九月朔記

蘇東坡志林李公擇喜墨凡人有佳墨即攘取之它
日客有自公擇所來者為言公擇懸墨滿堂此亦道
人之一蔽也

山疏菴舊有三賢祠以祀李公擇李公南蘇東坡今

廢公南者公擇之弟李布也博學有俊才與公擇齊名時號二李東坡詩何人脩水上種此一雙玉蓋指此也布早卒公擇兄幸亦讀書菴中博學能文章然名不逮二李仕至轉運使

楞伽院鐘樓舊有崇德縣君所畫二墨竹今不存崇德縣君者公擇之女黃山谷之姨母也善繪事黃山谷嘗為作崇德縣君墨竹詩

太乙峯犁頭尖山桃林山萬壽寺

合都口西南為太乙峯其下有老鷹崖

舊志太乙峯在廣壽院前廣壽院在行龜峯下

山疏廣壽院在萬壽寺東廣水坂內峯在寺基北峭

削與衆峯殊故名太乙山南人謂之大犁頭尖

德勝龍潭在峯西南

太乙峯水東南行逕萬壽寺與衆水會

太乙峯南為犁頭尖山

山疏山南人謂之小犁頭尖

太乙峯西南為桃林山山西南與漢陽峯接

山疏老鴉口在桃林太乙之間長壠在桃林漢陽之

間

桃林澗水東北行逕萬壽寺與衆水會

廬山紀事卷五
五
翠頭尖山之南有萬壽寺

山疏萬壽寺唐僧惠英建後兵燬我明正統中僧

明安重建

寺北有百花園今廢寺南有水曰萬壽源

雨岩黎僊峯廬山寺

萬壽寺西南有山巍然高者漢陽峯也其上有雨岩

舊志雨岩在漢陽峯南黝而深晝日嘗黯黯天將雨嘗有雲氣出其中故取傅岩之義名焉

黎僊峯

新志黎僊祠在廬山絕頂女真黎氏所棲隱處

既僊去人因祠祀之其後禱雨輒應復繪像祀之

今廢

山疏漢陽坡上有廢塚蓋二氏居此山者所葬處也

世謬傳以為漢王塚又言其疑塚三十六寧藩之亂南康人有欲盜伐之者以莫知孰為真塚而止

廬山寺

山疏廬山寺在漢陽坡上今廢

高僧傳晉僧曇翼宋僧慧慶道慧並嘗住廬山寺

唐劉春虛廬山寺詩孤峯臨萬象穩氣何高濤庭際

南郡出林端西江明山門二緇叟振錫聞幽聲心照

有無界業懸前後生徒知真機靜尚與愛網并方首
金門路未遑參道情

楊衡廬山寺詩千峯白露後雲壁掛殘燈曙色海邊
日經聲松下僧意閒門不閉年去水空澄稽首如何
問森羅盡一乘

鄧常送頭陀赴廬山寺詩

僧家無住著早晚出東林
得道非真相頭陀是苦心持齋山果熟倚錫野雲深

溪寺誰相待香花與梵音

進士馬戴廬山寺詩白茅為屋宇編荆數處堦墀石

疊成東谷笑言西谷響下方雲雨上方晴
鼠驚樵斧

緣蒼壁猿戲山缺撼紫櫻別有一條投澗水竹信斜

引入茶鑪

三峽澗

樓賢谷之水其會為三峽澗澗在萬壽寺東南

山疏萬壽寺東南行龜峯之末衆水之所會也凡能

邪池東團山黃石諸水能邪迤西桃林長壠諸水小

大支流九十有九皆入於三峽澗澗有洗馬池

蘇子由樓賢寺記樓賢谷中多大石岌業相向水行

石間聲如雷霆如千乘車行者震掉不自持雖三峽

之險不過也蘇東坡志林讀子由記便如在堂中見

水石陰森竹樹膠輻僕當為書之刻石堂上亦欲與廬山結緣它日入山不為生客也

瘦馬嶺烏石崖山石佛山石佛寺紅石崖山

漢陽之微東北行曰瘦馬嶺

山疏瘦馬嶺在馬壽寺西山巉削骨立如裂其上有

烏龜石

瘦馬嶺東為烏石崖山

山疏雙澗口在烏石崖東水岐而二其一出七尖山

廢寶慶寺其一逕石佛寺而南

烏石崖山石佛山其下有石佛寺

山疏山有三峯並峙如佛

南康志青蓮菴即石佛寺宋僧杜林建後兵燬宣德

中僧普營重建

煎魚澗在寺東南雙澗口水也滴水崖在寺東然不

常滴

石劍石佛寺三大字

石佛山東北為紅石崖山

石人峯繡鉢峯樓賢寺

烏石山東南小山有石特立如人者石人峯也

舊志石人峯在樓賢寺側山有石拳聳如人狀

石人峯上有峯圓如鉢者繡鉢峯也

舊志繡鉢峯在石人峯北

石人峯下有樓賢寺

山疏樓賢寺者亦李渤讀書處也以渤故謂之樓賢然寺之創則自赤眼禪師始洪武中寺以造偽鈔廢飛錫泉在寺後櫓斷泉在寺東赤眼泉在寺西廢靈峯菴後

王禕遊樓賢寺記寺右倚石壁左俯流泉石壁之趾僧堂在焉狂峯怪石翔舞簷上每大風雨堂中之人疑將壓焉習廬山者曰雖茲山之勝樓賢蓋以二數矣又曰風雨初散日光穿雲斜照峯上巖谷石濕芒采相射宛然金芙蓉也

樓賢寺有駐節亭愛堂應真閣劉西澗祠

山疏駐節亭在寺側南唐元宗遷豫章時常幸樓賢

因建亭焉今廢

祖無擇愛堂在寺側初無擇守南康能愛其民民亦愛之無擇數遊樓賢既去民為建堂曰愛堂今廢應真閣在寺內元學士虞集詩輒入禪關裏飛行看石淙應真誰具葉受供此珠宮噴薄方無極泓澄自有容餘波第六水取次濯凡踪石澗容飛渡緣山入

翠煙開門觀五老敷席近諸天試共龍聽瀨間隨客
酌泉替人行履處一一問藍田閣今廢

劉西澗祠在寺側朱晦翁建今廢

聖西北邃谷中有赤眼禪師塔巖谷深絕人迹罕至矣

棲賢之僧懷祐道欽智筠慧圓澄湜道堅知遷祖覺辨首

座凡九人

曾訓辨首座謂東林僧混融曰衲子事華巧無實德
如盛舟腹飾敗舟以之涉江湖犯風濤能無危乎

王淵潭

王淵潭東為玉淵潭

山疏王淵潭在三峽澗中諸水合流奔注潭中驚湧

噴空瀉下三峽潭上有白石如羊橫亘中流故名玉

淵

元學士李洞漑之記由開僊肩輿至三峽橋橋有飛崖

因相與列坐其上瞰流投石訇然出淙射中樹兩涯

深鬱蔥蒨片宿其表顧瞻長壑勢委蛇來覺景會而

神移也因起步入松逕可二里許至王淵潭四山忽

開敞由中出奔湍注潭上其怒響與山遠近蓋三峽

遊景之尤奇者徘徊久之陰潭生風毛髮盡豎若有

龍居嶽靈出入左右不可留也姑記而去延祐二年

二月十有三日同遊陽平樊煙鴈門文矩

棲賢寺記王淵之東水平如白練橫觸巨石匯為大車輪流轉洶湧窮水之變

石剗張孝祥王淵二大字餘皆鮮剝不可辨

棲賢橋

王淵之南有棲賢橋

舊志棲賢橋在楞伽西南五里

山疏棲賢橋者三峽橋也作於宋祥符間其長幾百尺橫絕大壑締構偉壯神施鬼設非人力所能為從橋上俯視澗底大較可百餘尺或曰以瓶貯水五升許從瓶背出水絺絺下注瓶竭水乃至澗底此未足憑

棲賢橋傍石罅中有小白石口映之則見五色光

南康志王峽亭在棲賢橋西正德中知府陳霖建亭

壁鑄錢聞詩棲賢橋詩又劉廷誥汪伊詩

觀音亭在王峽亭南

南康志飛來亭唐大曆中因風雨飛來故名半石半木以祀觀音今廢

朱文公棲賢磨崖志新安朱熹奉陪高川蘇史君園

中錢別駕簽書楊子美博士楊元範渥子王之才武

寧楊子直部鄆缺仲衡濂溪周師溫同遊臥龍遂至
王淵三峽門缺缺缺王翰缺缺愉幼子在從淳熙已
亥四月上缺石刻三峽橋三大字又端午菑缺日排
徊缺缺庚寅缺境界缺式峽橋立缺自尋真至清缺
雒陽吳缺誠伯又嘉定己卯四月缺莆田陳必與客
來李夢陽廬山記路傍草間有石鮮不刻也然莫能
盡記

宋黃山谷棲賢橋銘二山劔立龍落天路北垂康王
之簾南曳開先之布銀河傾瀉起螫千雷斷山為梁
無有壞墮驪龍守珠不可釣罩式告游者見危思

蘇東坡三峽橋詩吾聞泰山石積日穿綫溜况此百
雷霆萬世與石鬪溪行九地底險出三峽右長輪不
盡溪欲滿無底竇跳波翻潛魚震響落飛狖清寒入
山骨草木盡堅瘦空濛煙雨間瀕洞金石奏響響飛
橋出湫湫半月鼓王淵神龍近雲雨亂晴晝垂瓶得
清井可噉不可漱

參議孫應鰲棲賢橋詩雨霞變幻少定色掃石共坐
巖溪頭鐵船紫霄峯獨秀金井王淵山更幽巾裘隨
意郭文舉獵釣無心翟祖休采采樵源有靈藥得之
還贈同心儔

樓賢橋下有龍潭曰金井

山疏橋下兩涯石皆紫赤角立軒軒然如壯士戴橋立李空同所謂峽石肝爛者也橋之所踞實為得勝地焉

石劖維皇宋大中祥符七年歲次甲寅二月丁巳朔建橋上願皇帝萬歲灑輪常轉雨順風調天下民安謹題四十大字福州僧德朗勾當造橋建州僧文秀教化造橋江州匠陳智福弟智汪智洪二十九小字又治平改元甲辰閏五月二十日大理缺事簽書判官廳公事楊度題又天章閣待制田喻賢忠太常寺士胡况度臣缺中丞蔡異子發皇祐元年四月十八日遊又馬朋金井二大字餘刻多不能盡錄

樓賢橋北有石梁

山疏橋北十數丈有石方整如棺而大橫亘澗上俗謂之棺材石

黎嶺紀遊集相傳嘗有孽蛟從谷中出水怒湧勢且壞橋時樓賢有異僧叱神挽此石扼之蛟退橋得不壞

舊志三峽澗有石梁

參政余文獻棺材石蓋造橋時所用以緩上流之勢

者也其嶠岬處各有小石支之可見

題志嘉靖壬子正月既望同知南康府事汪伊遊姪學周兒學孔學文侍

棲賢橋東有招隱泉其下有石橋潭

山疏招隱泉在棲賢橋側泉出石龍首中瀉下三峽

澗匯為巨潭曰石橋潭陸羽嘗評其水為天下第六

舊有陸羽泉亭今廢

石剗石橋潭三大字

唐書陸羽傳陸羽字鴻漸復州竟陵人也不知其所

從生有詩諸水濱畜之既長以易自筮得蹇之漸

曰鴻漸於陸其羽可用為儀因取以為名氏其師嘗

教以佛書欲使為僧羽雅不欲僧師怒因使執諸賤

役役苦之羽直學記誦不肯事諸鄙事竟苦鞭笞去

為優人作談諧數千言太守李齊物見而異之授以

書遂廬火門山貌悅陋口吃而辨上元初更隱茗溪

羽嗜茶著茶經三篇言茶之原之灑之具甚備當是

時鬻茶者皆陶羽形置煬突間祀為茶神不售即沃

以茶又有常伯熊者因羽論復廣著茶之功時御史

大夫李季卿過臨淮召伯熊伯熊執器奉季卿為再

舉杯至江南又召羽羽野服挈具而入季卿頗卑厭

之不為禮後呼左右以錢二十文賞茶博士羽愧之
更著毀茶論然自是天下尚茶成風而回紇乃始驅
馬以市茶云

六帖陸羽更隱苕溪自稱桑苧翁闔門著書或獨行
野中擊木誦詩裴回不得意輒慟哭而歸時謂唐之
接輿

歐陽脩大明寺水記陸羽茶經其論水云山水上江
水次之井水為下又云山水乳泉石池漫流者上瀑
湧湍漱勿食食久令人有頸疾江水取去人遠者井
取汲多者其說止於此未嘗品第天下之水味也張

又新煎茶水記始云劉伯芻謂水之宜茶者有七等
又載羽為秀卿論水次第有二十種皆與茶經不合
茶經謂山水上乳泉石池為上江水次而井水下伯
芻以揚子江為第一惠山石泉第二虎丘石泉第三
丹陽寺井第四揚州大明寺井第五松江第六淮水
第七秀卿所說二十水廬山康王谷水第一蕪錫惠
山泉第二蘄州蘭溪石下水第三扇子峽蝦蟆口水
第四虎丘寺井水第五廬山招賢寺下方橋潭水第
六揚子江南零水第七洪州西山瀑布第八桐栢淮
源第九廬山龍池山頂水第十丹陽寺井第十一揚

州大明寺井第十二漢江南零水第十三王虛洞香
溪水第十四武關西水第十五松江水第十六天台
十丈瀑布水第十七柳州圓泉第十八嚴陵灘水第
十九雪水第二十如蝦蟆口水西山瀑布天台十丈
瀑布皆戒人勿食食之生疾其餘江水居山水上井
水居江水上皆與茶經相反得非又新安附益之耶
其言南零岸水事涉怪誕水味有美惡而已欲求天
下之水一一而品第之不亦妄耶羽論水惡淳漫而
喜泉源故井取汲多者江雖長然衆水叢雜故坎山
水

餘冬序記張又新煎茶記自述於僧舍得一書見陸
羽與李季卿論水之品二十又言劉伯芻稱水之宜
茶有七等楊子江南零水第一嘗挹而試之誠如其
說及刺末嘉過桐廬嚴陵瀨家人用水潑陳黑壞茶
皆芳香以前煎佳茶鮮馥不可名愈於楊子南零殊遠
至末嘉取僊巖瀑布用之亦不下南零今考又新僧
室所得書水品次第桐廬嚴陵瀨水乃在第十九而
僊巖瀑布弗與焉

幽邃山

樓瞿橋西為幽邃山

南康志馮京字當世其先自河朔徙鄂京有奇志因父調南康兵官與兄元隨侍初主歸宗僧惠南善風鑒許以甲科後至幽邃菴夢其幽絕僧仁監留止讀書未幾擢第今幽邃菴古松京手植也

鶴林王露馮京鄂州咸寧人其父商也壯而無子將如京師其妻與白金數笏使買妾及至京師買一妾立券償錢矣問妾所自來但泣而不言固問之乃其父有官綱運欠折鬻女以償也遂惻然遣還不索其錢及歸為其妻具言之妻曰君用心若此何患無嗣居數月妻果有娠及將誕其里中人皆夢鼓吹喧闐

迎狀元至馮第俄而京生家貧甚讀書瀟山僧舍僧有大京與其學者京食之僧訴之縣縣令命作偷狗賦援筆立成其警縣云餽餌引來喜掉續貂之尾索綯牽去驚回顧兔之頭令擊節歎賞延之上座明年遂作三元有詩號瀟山集者其未遇時作

山疏幽邃菴南康志不書蓋其廢久矣今附見此山

西源菴

幽邃之前有西源菴

山疏西源菴者宋崔嘉彥所栖隱處也嘉彥西蜀成紀人有用世才紹興中嘗以策干趙忠簡公公是之

會罷相不果用嘉彥遂去隱西源菴朱晦翁在南康
時嘗與往來已而崔卒晦翁又作詩以挽之云菴在
臥龍石佛之間舊志在幽邃菴前

晦翁與崔嘉彥東前日詣見重有喧聒媿不可言奉
告獲審經宿道體佳勝為慰某前日出山至玉京陂
頭遇雨巾履沾濕狼狽可笑喜幸之深但恨已差晚
耳承問之及感感餘俟入城得面布也昨承在顧樓
覽得款餘論為慰即刻伏惟動止佳勝昨日之雨城
中僅能歛塵高隱必多得之也米資少許別紙送上
幸視至魏暢恪即向來病甥之兄到此病作自有手簡

求醫藥幸審其證報之當為脩製服餌也昨日裴回
三峽奉候久之既以莫遂東走楞伽折桂失此一見
深悵想也奉告欣審即日殘暑道體佳勝菴屋媿仰
勤神用方丈牕牖只於兩旁為之大小隨意可也承
誨示并竹萌良荷厚意知煩親斲尤珍感臥龍亭子
已下手否何說栽竹木處恐意可便令施工也人還
布謝草草復未有一物為報引領雲山第增媿仰承
手示聞還自德安體用冲勝良慰昨夕聞山間頗沾
足城中殊少未敢廢祠也所踰當為立之菴中什器
俟一面措辦旦夕得雨後須一出郊諸容面道或因

入城幸左顧也奉告承乍寒道體增勝為慰臥龍菴
新主人未得一往視之承其寄筍感感人還草草少
間別奉問次

朱晦翁西源菴記予少好佳山水異甚而自中年以
來卽以病衰不克逞其志於四方獨聞廬阜奇秀甲
天下野人逸士往往徜徉於其間意常欲一往遊焉
而未暇也前年蒙恩試郡在此山之陽乃間以公家
職事得至其中其巖壑幽深水石奇怪固平生所創
見而於巖壑水石之間又得成紀崔君焉乃信前所
聞者之不誣也君名嘉彥字子虛少慷慨有奇志壯

歲避地川東三峽之間脩神農老子術東下吳越以
耕戰之策干收相趙忠簡公趙公是之會去相不果
行君自是絕跡此山按陳令舉所述圖記得西源菴
故址于臥龍瀑水之東築室居焉耕田種藥僅足以
自給而四方往來之士皆取食焉其疾病老孤無所
與歸之人至者亦收養之蓋年逾七十矣而神明筋
力不少衰予往造之而君不予避也一旦為予道說
平生相與太息會予結屋臥龍以祠諸葛丞相世蓋
少識其意者君獨歎曰此奇事也相為經紀其事以
迄有成兩年之間相見者不知其幾而君未嘗一言及

外事予以是益嘉君之為人而重歎其既老無所復用於世也淳熙辛丑閏月之晦予既罷郡來宿臥龍君曰臥龍之役夫子既言之矣顧西源獨未有記復能為我書之乎予曰諾哉於是悉次其說俾刻焉
晦翁次張彥輔西源之作無處堪投跡空山寄一椽懸門窺絕壁繚徑上層巔檻闕吞江浪窻虛響谷泉丹經閑自讀不為學神僊

西澗清淨退菴

樓贇橋西有水為西澗其僧舍曰寶峯菴

山疏西澗在樓贇西三里所

寶峯菴即靜隱院今廢

寶峯之僧月公晦英邵或湛堂準元首座大慧果

寶訓湛堂準每得前賢書必焚香展讀或勒之石既歿無一金之儲惟唐宋諸賢墨蹟二篋眾為會錢茶思之

宗門武庫李商老家於廬山之下與湛堂準往來居寶峯者數年通攷商老名彭公擇家子弟也東坡山谷文潛皆與往來頗博覽強記所著有日涉園集然詩體拘狹少變化

寶峯菴有劉凝之隱居後更築之曰清淨退菴

廬山紀事卷五
山疏疑之名渙均州人天曆中舉進士為頴上令介
介不適於俗年四十即掛冠去歸廬山歐陽永叔為
之賦廬山高疑之既歸隱居落星灣嘗乘黃犢往來
廬山中尤愛寶峯西澗之勝數就憇焉寶峯之僧因
結茅以居之遂自稱西澗居士是時屯田員外郎陳
舜俞以言新瀆謫監南康酒稅亦騎牛廬山中與之
往來龍眠李公麟為之繪圖作歌其後朱文公守南
康時即寶峯舊趾立清淨退菴及靜隱亭以表之而
寶峯因更名靜隱院晦翁有清淨退菴詩

張文潛米下堂記疑之有詞學為小官數以事屈在

位者節高不能容歸廬山築室種蔬而食之無求於
物人皆師尊焉

歐陽永叔廬山高詩廬山高哉幾千仞今根盤幾百
里峩然屹立乎長江長江西來走其下是為揚瀾左
蠡兮洪濤巨浪日夕相衝撞雲消風止水鏡淨泊舟
登岸而遠望兮上摩青蒼以掩靄下壓后土之鴻龐
試往造乎其間兮攀緣石磴窺空豁千崖萬壑響松
檜懸崖巨石飛流淙水聲聒聒亂人耳六月飛雪洒
石砭僊翁釋子亦徃徃而逢今吾嘗惡其學幻而言
虎但見丹霞翠壁遠近映樓閣晨鍾暮鼓杳靄羅幡

幢幽花野草不知其名兮風吹霧濕香澗谷時有白
鶴飛來雙幽尋遠去不可極便欲絕世遺紛麗美君
買田築室老其下清快成疇今釀酒盈缸欲令浮嵐
暖翠千萬狀坐臥常對平軒窻君懷磊砢有至寶世
俗不辨珉與玳策名為吏二十載青衫白首困一邦
寵榮聲利不可以苟屈兮自非清泉白石有深趣其
意矧碑何由降丈夫壯節似君少嗟我欲說安得巨
筆如長杠黃山谷跋劉公中剛而外和忍窮如鐵石
其所不顧萬夫不能回其首也家居四十年不談時
事賓客造門必置酒終日其言豐豐似教似諫依於
莊周淨名之間年八十而耳目聰明行不扶持蓋不
得於彼而得於此也廬山之美旣備於歐陽文忠公
之詩中朝士大夫讀之慨然欲稅塵駕少揖其清曠
而無由而公獨安樂四十年起居飲食廬山之下沒
而名配此山以不磨滅碌碌而得志願者視公何如
哉

五乳峯臥龍岡胡鼻峯

西澗之西有山鄰於七尖山是爲五乳峯

山疏山有五峯如乳故名五乳在七尖山東去西澗

三里

五乳之北為筍箕窩

山疏筍箕窩在龜背峯東下當石佛寺西南四高而中窪如筍箕狀

五乳峯東為臥龍岡其下有臥龍潭

山疏臥龍潭有三潭其二在臥龍崗巔其一在崗下谷中潭水與開先瀑布同源而分流自龜背峯東循筍箕窩逕臥龍岡巔下注谷中之潭而谷中之潭有黃石數丈橫據潭心蜿蜒若龍岡巔之水直下三數十丈奔注之湍激旋洄混漾動搖若欲飛舞故名臥龍

臥龍潭有三數小黃蛇出沒漩水中擊之則進入石竇

石劖紫陽朱熹卜臥龍山宅成紀崔嘉彥寔缺之其徒臨江劉清之己亥秋七月共二十九字餘不可辨又臥龍隸楷各二大字已上在潭東壁嘉定辛巳秋太守黃柱增啓臥龍祠堂重陽落成率郡寮鄭涇李大器郭津趙汝欣陳巽陳維明茹或趙希价金應孫趙與嶽展拜祠下朱缺奉檄至亦預焉已上在溪口東崖

朱晦翁臥龍潭送水文往分靈夜來即祠壇誠未格

廬山紀事卷五
於幽潛澤尚愆於田畝惟時淹久懼弗吉獨敢奉水
壺言歸貝闕別禱餘潤用弭炎氛尚神聽之淵冲鑿
惟衷而響答

山疏李夢陽記言臥龍潭嵐重不可居晝日嘗黯黯
予嘗至其下觀之不然豈李之遊也適陰霾嵐重而
李遂以為常耶

臥龍之水東行出硤與清泉澗水合
有菴於潭東為臥龍菴

龜山文集廬山臥龍菴有劉道人自云百餘歲碧眼
不粒食惟食稻飲水每客至必先知之欲伴見不果

楊龜山南康值雨時臥龍菴前碧眼翁日飲山淥餐
溪松神融氣合八荒外此心炯炯宜先通未須勤移
却俗駕會應一洗塵凡空寄言歸侍壺丘子他日來
游當御風

山疏菴在臥龍潭東數百步劉死菴廢其後朱子守
南康復建菴而繪諸葛武侯像於其中又別於潭傍
立亭曰起亭又亭於菴之傍曰脩白亭欲俟解組居
之會遷官去南康不果居今竝廢我一明嘉靖中都
御吏何遷復就潭北建起亭而刻出師表及晦翁諸
詩於石

石劄嘉定七年臨川吳清之與崔嘉彥同遊此

題志嘉靖庚申八月三日偕劉政選仁山白鹿洞主

萬伯行貢玄畧遊宇功宇度中孚侍蓋余填撫得代
將赴淮陽之明日也吉陽何遷書

朱文公臥龍菴記臥龍菴在廬山之陽五乳峯下予

自少讀龜山先生楊公詩見其記臥龍劉君隱居辟
穀木食澗飲蓋已度百歲而神清眼碧客至輒先知
之則固已知有是菴矣去歲蒙恩來此又得陳舜俞
令舉廬山記讀之其言曰凡廬山之所以著於天下
者蓋有開先之瀑布見於徐凝李白之詩康王之

簾見於陸羽之茶經至於幽溪險絕皆有水石之美
也此菴之西蒼崖四立怒瀑中瀉大壑淵深凜然可
畏有黃石數丈隱映連屬在激浪中視者眩轉若欲
蜿蜒飛舞故名臥龍此山水之特勝處也於是又知
其泉石之勝乃如此間以行田始得至焉則菴旣無
有而劉君亦不可復見獨泉石之勝不可得改然其
壯偉奇特之勢則有非陳記所能彷彿者余旣憇其
出於荒堙廢壞之餘而又幸其溪阻夔絕非車塵馬
跡之所能到儻可得擅而有也時以上章乞解郡紱
乃捐俸錢十萬屬西源隱者崔君嘉彥因其舊址縛

屋數椽以俟命下而徙居焉既又緣名潭之義畫漢丞相諸葛公之像真之堂中而故友張敬夫嘗為賦詩以紀其事然菴距潭猶數百步步亂石間三涉澗水乃至至又無所託足以寓瞻眺乃顛沛而反因相其東崖鑿石為磴而攀緣以度稍下乃得巨石橫出澗中仰翳喬木俯瞰清流前對飛瀑最為谷中勝處遂復作亭於其上既以為吏民禱賽之地而凡來遊者亦得以彷徨徙倚而縱目快心焉於是歲適大侵因榜之曰起亭以為龍之淵臥者可以起而天行矣然予前日之請迄卒蓋已屢止而竟未有得也歲計飄忽念之慨然乃叙其作興本末而書之屋壁來者讀之尚有以識予之意也

朱晦翁詩空山龍臥處蒼峭神所鑿下有寒潭幽上有明河落我來愛佳名卜築尋幽壑永念千載人丹心豈今昨英姿儼繪事凜若九原作寒藻薦芳馨飛泉奉明酌公來識此意顧步慘不樂抱膝一長吟神交付冥漠

又次張彥輔臥龍之作瀑水源何處高疑雲漢通瀉時垂練直落處古潭空容寄詩能好龍蟠意自惟知君來峴首為我說隆中

李夢陽詩出遊青天礪遂至臥龍潭重岑上無極白

廬山紀事卷五
日蔽寒嵐嶢峭詎能少險絕誰可探歷石誠魏倨捫
壑驚訝給我行值穠季霜藟搖匡南午攀日忽夕足
倦情逾酣雷瀑響岩澗孤花媚澄涵撫似悟命意循
迹想名菴菴廢人踪絕岩剝文半滅世坦異道塞慨
茲焉能說

何遷臥龍潭觀泉詩尋山須到巔尋水須到源坐看
泉落處欲問已忘言

參議孫應鰲詩王峽飛雉瀑潏潭久臥龍年年長未
起可有五花供

臥龍之側有僧舍曰五乳院觀音菴

南康志五乳院在臥龍菴側朱晦翁蓋嘗遊焉後兵
燬

晦翁題志淳熙庚子重五日晦翁與程正思陳彥忠
俞季清來翁子在甥魏愉從

舊志觀音菴在五乳院前菴有觀音井今不知所在
五乳峯西南為胡鼻峯


山疏胡鼻峯峯形如胡鼻在七尖山東南南康舊志
在鶴鳴峯東

桑喬生曰漢陽五老欲合不合舍鄱乃見其山水與上霄
鄰峻級危磴下臨無地行者孑孑然出入雲霧間喘

廬山紀事卷五


三十七

汗魯息者三數然後可觀其巔非好奇之士罕經之
矣



文政庚寅

廬山紀事卷之五終



丑